



UNIVERSITÄTS-  
BIBLIOTHEK  
PADERBORN

# **Tractatus De Censuris Romano Pontifici Reservatis**

**Ugolinus, Bartholomaeus**

**Venetijs, 1609**

De Bulla Cęnę Domini, cur singulis annis promulgetur. Cap. III.

---

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

nēndi. in repet. num. 91. ff. de iure iuran. & facit ca. post cessionem, & ibi Canonistæ de probat. Quare & litteræ etiam dicuntur, vt in initio huius Bullæ habetur, atque sic tradidit Rebuff. in sua Prax. benefi. in explanatione Bullæ Cænæ Domini, art. 4. in verb. Bullarum, & in Bullæ nouæ declaratione, in tertia parte signaturæ, vbi declarat, quibus prædita qualitatibus esse Bulla debeat, & sequitur Iac. de Graff. lib. 4. deci. c. 18. numero 3. versicul. Ad secundam. Ex quo igitur Bulla Apostolicæ litteræ dicuntur, iam quæstionem dissoluimus, cur Cænæ Domini Bulla non minetur.

2 Bulla † Cænæ Domini ergo hæ litteræ dicuntur, quoniam in die iouis sancto, quo tēpore Christus Dominus postremam illam venerandamque cænam cum suis discipulis habuit, publicantur, & promulgantur, vt colligitur ex Gloss. Clem. 1. in verb. Solemnes, & in ver. Generales. de iudic. & vt dixit Nauar. in Man. cap. 27. nu. 52. ver. Quarto no. & vt habetur in præfatione harum litterarum, seu huius Bullæ, & vt ego obseruatum vidi, Romæ dum essem, quo tempore S. Iacintus in Sanctorum numerum à Clemente VIII. adscriptus est.

3 Olim vero † tribus temporibus processus huiusmodi promulgari consuevit, scilicet die iouis sancti, & die Ascensionis, & die dedicationis Basilicæ Sanctorum Petri,

& Pauli, vt ait Gloss. in cit. Clem. 1. in ver. Solemnes. de iud. Sed de quæstione hæc satis, ad aliam veniamus.

*De Bulla Cænæ Domini, cur singulis annis promulgetur.*

Cap. III.

S V M M A.

I Bulla hæc idcirco singulis annis promulgatur, ut Christi fideles uniuersi in officio contineantur.

I **A**ltera quæstio est, † quamobrem Bulla hæc, & hæ litteræ singulis annis promulgentur. Ratio ea est, vt Christi fideles oēs in officio contineantur, nam cū Ecclesia unum corpus sit, vt ait Apol. ad Eph. capit. 4. & huius corporis vnum caput Christus Dominus in Cælo sit, vnum in terris eius Vicarius Romanus Pont. vt habetur in Extrauag. unā sanctam. de maior. & obed. ideo, ne vnitas hæc lædatur, sed vna sit fides, vnum corpus, & vnū caput, & sic fides vna, pax sancta, charitas vera inter fideles seruentur, his litteris Romanus Pontif. Christi Domini Vicarius delicta quædam grauissima, quibus fidei puritas impediri, vnitas diuidi, charitas tolli possit, coercere penis propositis, studet, atque elaborat, vt optimè ex præmio harum litterarum habetur, bellissimè declaratur. At planè dū hæreticos anathemate ferit at

A 3 que

que excōmunicatione, quid aliud tunc se velle significat, quam vt in fide vna Christi fideles vniuersi uiuant? Dum itidem eisdem pœnis schismaticos, apostatasque prosequitur, quid aliud se velle indicat quam, ne Ecclesiæ vnitas tollatur? Dum denique eisdem armis contra libertatem Ecclesiasticam impediētes inuehitur, in eosque, qui oneribus grauissimis populos afficiunt grauiter lædūt, quid aliud studet, quam vt charitatem tueatur? Hæ igitur causæ sunt, quamobrem hæ litteræ ab vniuersis Rom. Pontificibus promulgantur, hæ quamobrem singulis annis tanta maiestate renouantur, vt scilicet, ex quo tanta res agitur, ea firmitus hominum memoriæ inhæreat, Bullæ huius iterata publicatione, argumen. I. Ballista. ff. ad Trebell. Sed de hoc satis, ad alia transeamus.

*De Cerimonijs, quæ adhibentur, dum Bulla hæc promulgatur.*  
Cap. IV.

*S V M M A.*

† Romano Pon. presente Bulla hæc promulgatur ceremonijs quibusdam adhibitis.

**T**ertia quæstio est, quando Bulla hæc promulgetur, sed quoniam in secundo Capite id explicauimus, vbi quamobrem Bulla Censuræ Domini diceretur, exposui-

mus, ob eam rem hoc omisso, breuiter quibus ceremonijs promulgetur, aperiamus.

† Pontifex Max. † igitur in die iouis sancto diuinis de more in Palatio pontificio celebratis, pontificiis vestibus indutus, & diademate ex triplici corona constructo capiti imposito decoratus, præcedentibus Cardinalibus quam plurimis pontificiis vestibus indutis, in sella serico panno obrizo, aureisq. Bullis expolita maiestate quadam ad Xystum, & porticum Basilicæ Sancti Petri, vnde ab vniuerso populo conspici potest vehitur: vbi eo sedente, duo Cardinales alter latina lingua, alter nostrati alta voce has litteras recitant, cereo accenso ante Pontificem stante. Quibus litteris recitatis, Romanus Pont. ad detestandos, qui contra eam Bullam venerint, in vulgus cereum dictum projicit, & hoc facto inde discedit. Hæc summa breuis est ceremoniarum, quæ fiunt, dum hæ litteræ promulgantur, quæ partim etiam adhibentur, dū excommunicationes ab aliis inferioribus proferuntur, vt declarauimus in Tractatu nostro de Censuris Tab. 2.

*De tempore quo Bulla hæc promulgari cepta est.* Cap. V.

*S V M M A.*

† Tempus, quo Bulla hæc promulgari cepta est, non omnino scitur.

**Q**uarta quæstio est, quando Bulla huiusmodi promulgari cepta est, in qua quæstione Sordani dist.